

**ҚОЖА АХМЕТ ЯСАУИ АТЫНДАҒЫ ХАЛЫҚАРАЛЫҚ ҚАЗАҚ-ТҮРІК
УНИВЕРСИТЕТІ**

ФИЛОЛОГИЯ ФАКУЛЬТЕТІ

**ТІЛДЕР ЖӘНЕ ӘДЕБИЕТ ДАЯРЛАУ БАҒЫТЫ БОЙЫНША
АКАДЕМИЯЛЫҚ КОМИТЕТ МӘЖІЛІСІНІҢ**

№4 ХАТТАМАСЫ

Түркістан қаласы

22.12.2023ж.

Қатысқандар: АК төрағасы - PhD, доцент м.а. Е.Б. Жиенбаев, АК мүшесі, академиялық персонал - PhD А.Қ. Мейірбеков, АК мүшесі, академиялық персонал - ф.ғ.к. Н.Д. Қошанова, АК мүшесі, академиялық персонал - ф.ғ.к. Ж.К. Суинжанова, АК мүшесі, академиялық персонал - А.Д. Байдаулетова, АК мүшесі, академиялық персонал - Ы.Е. Нурмагомбетова, АК мүшесі, академиялық персонал - Ш.А.Каримова, АК мүшесі, академиялық персонал - С.А. Қонысова, АК мүшесі, білімгерлер өкілі – М.Еділбаева, АК мүшесі, білімгерлер өкілі – М.Е. Нұралы, АК мүшесі, білімгерлер өкілі – Н.С. Зарбат, АК мүшесі, білімгерлер өкілі – А. Қуанышбекқызы.

Күн тәртібі:

1. ББ ішкі аудитін ұйымдастыру.
2. ББ мазмұнын жобалау тақырыбына семинар, тренинг ұйымдастыру.
3. «Шет елдердегі ЖОО-ларда ББ мониторинг жасау тәжірибесі» атты семинар ұйымдастыру.
4. ББ мониторинг ұйымдастыру стратегиясын жасау.
5. Желтоқсан айында атқарылған іс шаралар нәтижесін талдау

Тыңдалды:

АК төрағасы Е.Б. Жиенбаев сөз алды. Қайырлы күн құрметті АК мүшелері. Желтоқсан айында ББ ішкі аудитін ұйымдастыру, ББ мазмұнын жобалау тақырыбына семинар, тренинг өткізу, «Шет елдердегі ЖОО-ларда ББ мониторинг жасау тәжірибесі» атты семинар ұйымдастыру, ББ мониторинг ұйымдастыру стратегиясын жасау жоспарланған. Жарты жылдық барысында Академиялық комитет мүшелерінің атсалысуымен елеулі ісшаралар атқарылды.

Күн тәртібіндегі бірінші мәселе бойынша, Тілдер және әдебиет даярлау бағыты бойынша (7М02313 - Шетел филологиясы (ағылшын тілі), 7М02315 - Филология, 6В02332 – Шетел филологиясы: ағылшын тілі, 6В02335 – Аударма ісі: ағылшын тілі, 6В02336 – Филология: қазақ тілі, 6В02333 – Шетел филологиясы: түрік тілі) ББ ішкі аудит ұйымдастырылды. Сараптамалық тұжырымдар мен сауалмана нәтижесіне сүйене отырып

аталған БББ-лардың жақсы көрсеткішке ие болғанын атап айтқым келеді. Аталған БББ мазмұны халықаралық талаптарға сәйкес жасалған.

Атқаралатын іс-шаралар мен «Отандық және шетелдердегі ЖОО-ларда ББ мониторинг жасау тәжірибесі» атты семинар барысында мониторинг жасаудың тәжірибесі таныстырылды. «Аталған іс-шаралардың нәтижесіне қатысты пікірлеріңіз бен ұсыныстарыңызды тыңдап, талқылауға ұсынғым келеді», -деп сөз кезегін АК мүшелеріне ұсынды.

АК мүшесі, академиялық персонал - ф.ғ.к. Н.Д. Қошанова: Ағымдағы жылдағы білім беру бағдарламаларын 2024-2025 оқу жылында қабылданатын білім алушылар үшін өзгеріссіз ұсынуымызға болады. Сараптамадан жақсы көрсеткішпен өткен және оқу тәжірибесінде сыналған бағдарлама мазмұны қазірше толықтыруды қажет етпейді. Ұйымдастырылған семинар тренингтердің БББ мазмұнын жоспарлауда әсері мол. Тренингтегі ұсыныстар алдағы уақытта сапалы білім беру бағдарламаларын жасауда нұсқаулыққа енгізілсе болады, -деп ойлаймын.

АК мүшесі, академиялық персонал - ф.ғ.к. Ж.К. Суинжанова: Білім беру бағдарламаларын талдай отырып, қазіргі заманауи талаптарға толық сәйкес келетінін айтуға болады. ББ бағдарламасындағы күзиреттер мен оқыту нәтижелері білім алушылардың біліктілігін арттыруға бағытталған. Филология саласына қатысты өзекті мәселелер қарастырылған бұл бағдарламалар маман даярлауда тиімділіші жоғары, -деп есептеймін. ЖОО-ларда ББ мониторинг жасау барысында SPSS т.б. компьютерлік сараптау бағдарламаларын қолдану үдерістің бақылауына септігін тигізері анық.

АК мүшесі, академиялық персонал - PhD А.Қ. Мейірбеков: өткен оқу жылында БББ жасалған толықтырулар мен өзгертулер оң нәтижесін берді. Ағымдағы жылы ұйымдастырылған ішкі аудит барысында бағдарламалардың мазмұны сараланып, өзгеріс қажет емес, -деген тұжырымға келдік. Пән атаулары мен сипаттамалары, кредиттік сағаттары тиімді көрсетілген. Сонымен қатар ағымдағы жылдағы ББ бағдарламалары жұмыс берушілер мен АК мүшелері тарапынан жақсы бағаланды. ББ мониторинг ұйымдастыру стратегиясын дамыту арқылы ББ мазмұнын әлі де болса толықтыруға болатынын айтқым келеді.

Шешім: Желтоқсан айында атқарылған іс шаралар нәтижесі қабылдансын.

Мәжіліс төрағасы:



Е.Б. Жиенбаев

Хатшысы:



С.А. Қонысова